



ISTITUT CULTURAL LADIN
MUSEO LADIN DE FASCIA

COMUNICAT STAMPA
Sèn Jan / Vich, ai 21 de jujn 2010

Istitut Cultural Ladin
en colaborazion col Comun de Moena
ANTER LA JENT / TRA LA GENTE
Dessegnes de Luigi Canori 1947-1981

Inaudazion de la mostra:
En sabeda ai 26 de jujn 2010 da les 17.00 - Moena, Teater Navalge

La mostra *Anter la jent / Tra la gente. Dessegnes de Luigi Canori 1947-1981* porta dant per la pruma outa a la jent na selezion di retrac fac da Luigi Canori.

Luigi Canori (1907-1991) pseudonim de Ermanno Zanoner *Gabana*, l'é un di personajes de maor nonzech de la storia culturala de Fascia del XX^{em} secol, cognosciù soraldut desche musizist, che à componù toc che oramai fèsc pèrt de l'identità de la comunità ladina. Personaje dai enteresc e da la capacitèdes artistiches desvalives, soraldut da la metà di egn Caranta l vif anter la Liguria, olache l'ensegna, e Moena, e l mantegn n leam strent co la tera olache l'é nasciù e l colaborea con desvaliva istituzions locales, desche per ejempie la Scola d'Èrt reta da Cirillo Dell'Antonio e la Rai de Busan, olache l'é coordinador di programes radio per ladin e l scrif e l registra n muie de tesć.

En ocasion di cent egn da canche l'autor moenat é nasciù, l'Istitut Cultural Ladin, de gra a la colaborazion de **Federico Zanoner**, nez del Canori e curador de chesta esposizion, l'à envià via n projet de ordenament e studie de na rica regoeta de documenc mai publiché conservé a Genova da la vedova de l'artist, Concetta Bevilacqua, a chela che se à jontà tel temp de auter materièl conservà a Busan da sia sor Veronica Zanoner Piccoliori. Dal studie de chesta documentazion de desvaliva sorts – dessegnes, letres, fotografies, partidures, scric de poejia, bloch notes, registrazions audio e c.i. – l'é vegnù fora n gran numer de retrac che Canori à fat anter l 1947 e l 1981, olache l porta dant n soget demò: **musc**.

l dessegnes, per la maor pèrt sun sfoes format album o sun bloch notes, met dant jent del paìsc, tant de Moena che de la Liguria, amisc e scolees, persones scontrèdes adinfal, artisć e studié.

La selezion, che troarà lèrch tel teater Navalge enscin ai 21 de messèl e che dò sarà ló da l'Istitut Cultural Ladin (dai 9 de aost enscin ai 3 de setember), tol ite i retrac fac a Moena e a chesta vida la met al luster la maniera deldut particulèra te chela che l'artist, ensema co la musega, l'à raprejentà e consegnà a la storia sia tera.

L'esposizion vel donca esser n dialogh co la comunità ladina e en particulèr con chela de Moena, che ti musc dessegné dal Canori podarà recognoscer na pèrt de sia storia e ela enstessa podarà se n'arloèr dò l troi de la recuperazion de etres dessegnes che l Canori à lascià a Moena e regoer de outra testimonianzes leèdes a chisc dessegnes.

Moena, Teater Navalge

26 de jujn - 21 de messèl 2010
Da les 17.00 a les 19.00 e da les 21.00 a les 22.30

Vich, Istitut Cultural Ladin

9 de aost - 3 de setember 2010
da les 15.00 a les 19.00 (dal lunesc al vender)

Info: **Museo Ladin de Fascia**
0462.760182
museo@istladin.net

ISTITUT CULTURAL LADIN "majon di fascegn" – MUSEO LADIN DE FASCIA

Loc. San Giovanni / Sèn Jan 38039 Vigo di Fassa / Vich (Tn)
tel. 0462 760182 – museo@istladin.net – www.istladin.net